



Najaaraq Møller  
Inatsisartunut ilaasortaq, Siumut

## Atuakkiortuuneq pillugu – § 37 naapertorlugu apeqquutip nr. 171/2024-p akineqarnera

Asasara Najaaraq Møller,

Inatsisartut suleriaasiat naapertorlugu apeqquittinnut qujanaq. Apeqquutigineqartut  
tullinguuttuni akissuteqarfigissavakka.

### **Apeqquut 1: Atuakkiortuunerp silarsuaani siuarsaanissamut Naalakkersuisut pilarsaaruteqarpat, matumani ilanngullugu atuakkiortut kattuffiannut?**

#### **Akissut:**

Naalakkersuisut atuakkiortuuneq pillugu iliuseqarsinnaanerit Eqqumiitsuliornermik  
ingerlatsineq pillugu Inatsisartut inatsisaat nr. 11, 6. juni 2016-imeersumik  
tunnngaveqarpoq. Tassa Inatsisartut inatsisaanni § 2-mi aalajangersarneqarpoq:

*"Naalakkersuisut Kalaallit Nunaanni eqqumiitsuliornermik ingerlatsineq aamma kalaallit  
eqqumiitsuliaat nunani allani siuarsassavaat, sapinngisamillu innuttaasut annertuumik  
tamatiigoortumillu kalaallit eqqumiitsuliaannut nunanillu allanit eqqumiitsuliornikkut  
ingerlattanut periarfissaqarnissaat qularnaassallugu."*

Inatsisartut inatsisaanni § 3-mi aalajangersarneqarpoq:

*"Naalakkersuisut Inatsisartut inatsisaat manna naapertorlugu pisussaaffitik  
maleruarumallugit, eqqumiitsuliornikkut ingerlatsinermit tamatumalu  
saqqummiunnissaanut aningaasatigut tapiissuteqartassapput, tak. §§ 8-11."*

Eqqumiitsuliornermik ingerlatsineq pillugu Inatsisartut inatsisaat nr. 11, 6. juni 2016-  
imeersuq Eqqumiitsuliornermik ingerlatsineq pillugu Inatsisartut inatsisaata  
allanngortinneqarnera pillugu Inatsisartut inatsisaat nr. 25, 28. november 2019-imeersumi  
allanngortinneqarpoq, tassanilu ilanngussisoqarluni eqqumiitsuliornermik ingerlatsineq  
tamassuminngalu siammarterinermit aningaasaateqarfimmik tapiissutinik  
aqutsisussamik pilersitsinissamut inatsisitigut tunnngavissamik.

Kalaallit Nunaanni Eqqumiitsuliornermit Aningaasaateqarfik pillugu Namminersorlutik  
Oqartussat nalunaarutaat nr. 43 13. august 2021-meersuq 1. januar 2022-mi atuutilerpoq.  
Kalaallit Nunaanni eqqumiitsuliornermit aningaasaateqarfiup siunertaraa siuarsassallugit  
Kalaallit Nunaanni eqqumiitsuliornikkut ingerlatsineq, aamma kalaallit nunani allani  
eqqumiitsuliornikkut ingerlatsinerat, sapinngisamillu qularnaarniassallugu innuttaasut  
siammasissumik aamma tamatiigoortumik kalaallit eqqumiitsuliaannik  
eqqumiitsuliornikkullu ingerlatsinerannik periarfissaqarnissaat, aamma  
eqqumiitsuliornikkut nunani allaneersunik periarfissaqartinneqarnissaat.

08-08-2024  
Suliap normua: 2024 - 1595  
All. nr. 24412480

Postboks 1029  
3900 Nuuk  
Oqarasuaat:  
+299 34 50 00  
Email: [ikin@nanoq.gl](mailto:ikin@nanoq.gl)  
[www.nanoq.gl](http://www.nanoq.gl)

Aningaasaateqarfik siulersuisunit aqunneqarpoq, taakkulu aningaasaateqarfiup sulineranut maleruagassat pingaernerit aalajangertarpaat. Eqqumiitsuliornermut Aningaasaateqarfiup sulinissamut tapiissutit suliniutinullu tapiissutit taakkuninnga qinnuteqartoqareerneratigut aqutarai. Kalaallit Nunaanni Eqqumiitsuliornermut Aningaasaateqarfiup ingerlatsinerani ilaapput eqqumiitsuliornermik ingerlatsinerit tamakkiisut, Inatsisartut eqqumiitsuliornermut inatsisaanni ilaasut, matumanilu atuakkiorneq. Tassa imaappoq, Eqqumiitsuliornermut Aningaasaateqarfik qinnuteqartoqareerneratigut eqqumiitsuliornermillu ilisimasalinnit nalilersuisoqareerneratigut atuakkiortunut sulinissamut aningaasaliissutinik suliniutinullu tapiissutinik tunniussisinnaavoq, matumanilu nutserisut ilanngullugit eqqarsaatigalugit. Naalackersuisut taamaalillutik atuakkialerineq atuakkiortullu siuarsarpaat.

Taakku saniatigut Danske Spilimit, Tipsernermit lottornermillu aningaasaliissutinik taaneqartartunik Naalackersuisut aqutsisarput. Tamatumunnga inatsisitigut tunngavik tassaavoq aningaasanoorutit ilaannit iluanaarutinit agguaassisarneq pillugu Inatsisartut Inatsisaat nr. 10, 22. november 2011-meersoq kiisalu aningaasanoorutit ilaannit aningaasanik agguaassisarneq pillugu tapeeriaatsit, tapiiffigineqarnissamut piumasaqaatit il.il. pillugit Namminersorlutik Oqartussat nalunaarutaat nr. 16, 11. maj 2020-meersoq.

Tipsernermit lottornermillu aningaasaliissutit pingasunut assigiinngitsunut agguaanneqartarput:

Pulje A) timersornermut tamanit peqataaffigineqarsinnaasunut, innarluutillit utoqqaallu timersornerat ilanngullugu 50 %-it tunniunneqartarput,

kiisalu 9,1 %-it piukkunnaatillit pikkorinnerillu timersornerinut,

Pulje B) 13,6 %-it meeqqat inuusuttullu pillugit siunertanut aamma

Pulje C) 27,3 %-ii tamanut iluaqutaasussamik siunertanut allanut, taamatutaaq kulturimut tunngatillugu siunertanut, inunnik qaammarsaanermut siunertanut, nappaatinik akiuniarnermut pinaveersaartitsinermullu siunertanut, inooqatigiinnermut tunngasunut siunertanut, asimiititsinissanik siunertanut aamma tamanut iluaqutaasussanik ilisimatusarniarluni siunertanut.

Naalackersuisut pulje C-meersut aqutaraat, tassanngalu tapiissutit marluk assigiinngitsut qinnutigineqarsinnaapput, taakkulu suliniutinut ingerlatsinermullu tapiissutaapput:

Aningaasanoorutit ilaannit aningaasanik agguaassisarneq pillugu tapeeriaatsit, tapiiffigineqarnissamut piumasaqaatit il.il. pillugit Namminersorlutik Oqartussat nalunaarutaat nr. 16, 11. maj 2020-meersoq § 8, imm. 2 naapertorlugu kultureqarnermut Naalackersuisoq tapiissutisinissamut piumasaqaatinik ilanngussaqaarsinnaavoq. Suliniuteqarfinnut naalackersuinikkut salliutinneqartunut 200.000 kr.-nik qaffasinnerusunik tapiisoqarsinnaavoq. Ingerlatsinermut tapiissutinut tunngatillugu § 10, imm. 2-mi aalajangersarneqarpoq tapiissutit kr. 90.000 kr. tikillugit tapiissuteqartoqarsinnaalluni. Taakku saniatigut § 10, imm. 3-mi aalajangersarneqarpoq imm. 2-mi tapiissutinik taaneqartunit amerlanernit tapiissuteqartoqarsinnaasoq, taamaattoq ukiumut amerlanerpaamik kr. 500.000 suliniuteqarfinnut naalackersuinikkut salliutinneqartunut. Suliniuteqarfiit suut qaqugukkulluunniit naalackersuinikkut salliutinneqarnersut nittartagaq [www.naalackersuisut.gl](http://www.naalackersuisut.gl) aqutugalugu Kultureqarnermut Naalackersuisup tamanut saqqummiutissavai.

Ilaatigut kalaallit atuakkiornermik peqatigiiffiat suliniutiminnut atungassaminnik tapiissutinik qinnuteqarsinnaapput.

Taakku saniatigut ass. kalaallit atuakkiorlut peqatigiiffiat Nunatsinni atuakkiorlut peqatigiiffiat nunatsinni atuakkialerinermit "GreenLit"-imik aamma taaneqartumik allaffeqarfiata ingerlannissaanut tapiissutinik qinnuteqarsinnaavoq, taassumalu Nunatsinni nunattalu avataani atuakkianik siuarsaniarluni suliaraa, konto pingaarnemit 40.95.01, Tapiissutit allat eqqumiitsuliornermit aamma kulturimut aqqutigalugu. Aamma piorsarsimassutsikkut saqqummersittakkanit kontomit pingaarnemit uannga tapiissutinik qinnuteqarsinnaapput, ass. Atuagassiaq Kalaaleq-mit atorineqartartoq.

Naalackersuisut ilisimavaat Kalaallit Atuakkiorlut kissaatigigaat ilaatigut kalaallit atuakkiaat nunani allani nittarsaaniarlugit nutserinermit aningaasaliissutinik peqalernissaa.

Naalackersuisut kalaallit atuakkiaasa nunani allani nittarsaannissaannik siunnersuut pitsaasutut isigaa. Taamaattoq Inatsisartut inatsisaanni § 2 malillugu kalaallit eqqumiitsuliaannik siursaanissamut tapiissuteqarnissamut inatsisitigut tunngavissaqarpoq. Taakku tassaasinnaapput kalaallit atuakkiaannik tuluttuunngortitsinermit nutserinerit.

Naalackersuisut Kalaallit Nunaanni Eqqumiitsuliorlut Aningaasaateqarfiannik pilersitsinermikkut pisussaaffilerpaat Inatsisartut inatsisaanni § 8 naapertorlugu Naalackersuisut tapiissuteqartarnerannut tunngasumik aalajangersaasinnaanngorlugit. § 3-mi Naalackersuisut Inatsisartut inatsisaat manna naapertorlugu pisussaaffitik maleruarumallugit, eqqumiitsuliornermit ingerlatsinermit tamatumalu saqqummiunnissaanut aningaasatigut tapiissuteqartassapput, tak. §§ 8-11. § 8, nr. 2 naapertorlugu aamma tapiissuteqartoqarsinnaavoq ass. kalaallit eqqumiitsuliaat nunani allani siursarniarlugit eqqumiitsulianik tuluttuunut nutserinermit inerisaanissamik tapiisoqarsinnaavoq.

### ***1.a Taamaappat, suut pilersaarutaappat?***

#### **Akissut:**

Apeqquut 1-imut akissut takuuk.

### ***Apeqquut 2: Pilersaaruteqartoqarpat aningaasartuutit qanoq annertutigisut pisariaqartinneqarnissaat naatsorsuutigineqarpat?***

#### **Akissut:**

Apeqquut 1-imut akissut takuuk.

Inussiarnersumik inuulluaqqusillunga



Aqqaluq B. Egede